

INUIT ATAQATIGIIT

Inatsisartuni



15. Juni 2020

Inatsisartut suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

- 1. Naalakkersuisut Narsarsuarmi katersugaasiveqarnerup ingerlaavarnissaa aningaasaliiviginiarpaat, taamalu amerikamiut Kalaallit Nunaanniinnerannik katersugaasiveqarnek?**
- 2. Naalakkersuisut Kommune Kujallermi kommunemi katersugaasiviit allaffissornerisa kattutsinneqarnissaannik, Narsarsuarmi katersugaasivik tassani ilaatinneqarluni, nalunngisaqarpat?**
 - a. Naamiuppat; Naalakkersuisut tamanna piviusunngortinniarlugu Kommune Kujalliup oqaloqatiginissaanut soqutiginnippat?**
- 3. Naalakkersuisut amerikarmiut Kalaallit Nunaanniinnerannik ilisimasaqarnerup siuarsarnissaa anguniarlugu aaqqissuussinissamut, soorlu Kalaallit Nunaanni fondimik pilersitsinikkut, pilersaaruteqarpat?**
- 4. Naalakkersuisut inatsimmik allannngortitsineq, taamaaliornikkut katersugaasiviit akuerisaasut pisortaniillu pigineqaratik akilersorneqartut matunerminni katersaatimik naalagaaviginissaat aalajangiiffiginnaanissaallu piviusunngortinneqarluni, qanoq kinguneqarnissaanik taakkartuisinnaappat?**
- 5. Suliamut tunngasunik allanik Naalakkersuisut nalunaaruteqarsinnaappat?**

(Inatsisartunut Ilaasortaq Aqqaluaq B. Egede, Inuit Ataqatigiit)

Tunngavilersuut:

Narsarsuaq Museum 1991-imiilli nammineq piumassuseq atorlugu peqatigiiffimmik amerikarmiut 1900-kkunni Kalaalli Nunaanniissimanerannut tunngasunik katersillutik, saqqummersitsillutik paasititsiniaallutillu ingerlasunit ingerlanneqarsimavoq. Katersugaasivik massakkumut pisortanit tapiiffigineqarani ingerlanneqarsimavoq.

Katersugaasivik 2018-imi Katersugaasiveqarnermut Ataatsimiititaliamut Kalaallit Nunaanni katersugaasiveqarfimmi katersugaasivittut akuerisatut inissinniarluni qinnuteqarsimavoq, 2020-imilu Ilinniartitaanermut, Kultureqarnermut Ilageeqarnermullu Naalakkersuisoqarfimmit akuersissummik pivoq. Akuersinermili aningaasaliinertaa peqataatinneqarsimangilaq.

Katersugaasiviup sammisaa nuna tamakkerlugu nutaalionermit aallaaveqarmat Naalakkersuisut katersugaasiviup aningaasalersornissaa toqqarsimasinnaagaluarpaat. Akuerineqarnissamut qinnuteqaammi Narsarsuarmi katersugaasiviup missingersuummut siunnersuut ilanngussimagaluarpaa. Ukiumut 500.000,- missaanik aningaasalersorneqarnissamik pisariaqartitsinermik imalik.

Inuit Ataqatigiit kulturitsinnik eqqumiitsulioriaatsinillu assigiinngitsunik nukittorsaarussupput taamaalilluta inuiaqatigiit inuillu tamarmik iluaqutissaattut ineriartortinniassagatsigit, kulturittami pisuujusup periarfissarpassuaqartullu atorluarneqannginnera eqqarsaatigalugu aningaasarsiornikkut ineriartortissinnaajumallugit

Akissutit ullut qulit qaangiutsinnagit akineqarnissaat piumasaraara.